

PRIJEDLOG

Na osnovu člana 17. Statuta Udruženja poslodavaca u Federaciji BiH, Skupština Udruženja poslodavaca u FBiH na svojoj XXIII redovnoj sjednici koja je održana 21.04.2026. godine, donosi:

ODLUKU O DOPUNI ODLUKE

O VISINI ČLANARINE U UDRUŽENJU POSLODAVACA U FEDERACIJI BOSNE I HERCEGOVINE

Član 1.

U Odluci o visini članarine u Udruženju poslodavaca u FBiH od 26.03. 2013. godine u članu 2. u stavu 2. briše se tačka i dodaje se tekst „ i ukupnih interesa poslodavaca, a po procjeni Upravnog odbora i na prijedlog direktora.“

Ostali dio teksta ostaje nepromijenjen.

Član 2.

Član 3. se briše.

Član 3.

Član 4. se briše.

Ostali članovi se pomjeraju za jedno mjesto.

Član 4.

U članu 6. koji postaje član 4. u stavu 1. iza riječi „uplaćuje“ dodaju se riječi „na žiro račun UPFBiH“.

Član 5.

U članu 7. koji postaje član 5. u stavu 1. riječi iza riječi „u pojedinačnoj kompaniji članici“ dodaju se riječi „odnosno, u drugim specifičnim slučajevima i zaštiti interesa Udruženja,“ a riječi „svojom odlukom“ se brišu.

U članu 7. stav 2. se briše.

Stav 3. postaje stav 2.

Član 6.

U članu 8. koji postaje član 6. brišu se riječi „ za sve članice, ali najviše do 10%“.

Ostali dio teksta se ne mijenja.

Član 7.

Iza člana 8. koji postaje član 6. dodaje se novi član 7. koji glasi:

„Sve članice čiji predstavnici ispred Udruženja sudjeluju u radu Ekonomsko-socijalnih vijeća na svim nivoima vlasti, radnih grupa i dr. mogu da uplaćuju dodatnu uvećanu članarinu, a u cilju jačanja kapaciteta Udruženja za podršku u radu ESV-a i stručnih radnih tijela. „

Član 8.

U članu 9. koji postaje član 8. broj „4“ se zamjenjuje sa brojem „2“.

Član 9.

Ova Odluka stupa na snagu danom donošenja.

Član 10.

Kroz cijeli tekst Odluke izvršiti će se usklađivanje numeracije, terminologije i upućivanja na odredbe, u skladu sa usvojenim izmjenama i dopunama, te će se sačiniti i Prečišćeni tekst Odluke.

OBRAZLOŽENJE

Pravni osnov za donošenje ove Odluke sadržan je u Statutu Udruženja poslodavaca u Federaciji Bosne i Hercegovine, kojim je propisana nadležnost Skupštine da uređuje pitanja važna za rad i finansiranje Udruženja.

Razlog za donošenje ove Odluke je potreba da se postojeća rješenja dodatno unaprijede i bolje prilagode praksi, kako bi se osiguralo efikasnije funkcionisanje Udruženja i kvalitetnije zastupanje interesa članica.

Udruženje je osiguralo stabilno i održivo finansiranje pa time i funkcioniranje, a svakodnevno Udruženju pristupaju i nove članice, što uz projektno sufinansiranje Udruženja osigurava stabilnost poslovanja u ovom dijelu. Udruženje već 13 godina nije mijenjalo visinu članarine, a zbog složenog poslovnog okruženja za privrednike i obrtnike, organi Udruženja i dalje ne predlažu podizanje cijene članarine.

Predloženim izmjenama i dopunama preciziraju se pojedine odredbe, pojednostavljuje njihova primjena i uvodi određeni nivo fleksibilnosti, tamo gdje se u praksi pokazuje potreba za tim. Cilj je da Odluka bude jasnija, primjenjivija i funkcionalnija u svakodnevnom radu.

Stručna služba Udruženja i Upravni odbor kroz projekat „Međunarodne organizacije rada“ rade na uspostavi nove baze podataka o članstvu koja bi bila sveobuhvatna i omogućila bolju i funkcionalniju komunikaciju i u odnosu na u međuvremenu veoma razvijeno članstvo u udruženju osiguralo unaprjeđena rješenja i modernizaciju administrativno finansijskoga sistema u Udruženju.

Imajući u vidu navedeno, predlaže se Skupštini da usvoji ovu Odluku.

Predsjednik Skupštine

Amel Kovačević

Sarajevo, 21.04.2026. godine

Broj: I-_____